



di

Giuseppe Cardella

2011

In copertina:

Opera di Giuseppe Cardella in arte "ella"

Mondo Onirico n° 16

manipolazione tela + acrilico + stoffa di raso rossa

cm 30 x 60 x 7

Orme sulla sabbia

Guardo le mie orme
lasciate sulla sabbia
ancora bagnata.

Vicinissime, quasi
a sfiorasi, ne vedo
altre due più piccole.

Un film passa velocemente
nella mia mente. Riassaporo
quegli attimi di tenerezza.

Ad un tratto, un'onda
cancella tutto,
il film finisce.

Alzo gli occhi
e non vedo
più niente.

Nell'aria è rimasto
solamente l'alito di un
dolcissimo abbraccio.

Colomba bianca

Con il cuore a pezzi
un uomo triste e solo
pensa ad un amore
che non potrà mai avere.

Il rumore di ali in volo
di una colomba bianca
lo distoglie dal pensiero
che sempre lo tormenta.

Si avvicina, lo guarda come
se volesse dirci qualcosa,
la prende fra le mani
e la invita a volare.

In volo,
girandoci attorno
lo veste di fili
d'oro e d'argento.

Dopo, vola con lei,
abbracciati stretti e felici
si posano su una stella,
tra baci e carezze le dice:

"Ora che sei con me
non ti lascio più".

Due chicchi di grandine

Dentro un calice
di vetro rosso,
due chicchi di grandine
divisi l'un l'altro
aspettano diventar
una sola unica goccia.

Goccia che disseta
l'arsura, il desiderio,
la passione, l'amore.

Goccia di un amore
divisa da tante gocce,
attende silenziosa
la forza di un'onda
per portarla
all'altra sponda.

Unica e sola, è piena d'amore,
sembra piccola,
ma è più grande del mare.

2010 - Attestato di merito
Premio Nazionale di Poesia
Città di Civitavecchia X Edizione"

2010 - 2° Premio
Premio Letterario "Lu papanzicu"
Campobello di Licata (Agrigento)

Non solo pietre ...

Tra tante, ne sono state scelte due.
Due pietre isolate,
di mare e di spiagge diverse,
ma dal pensiero unico.

Adesso hanno un nome:
il "Tuo" e il "Mio".
Si sentono sulla stessa onda,
volano sulla stessa frequenza.

Custodite con amore,
sperano nel fato,
nel contatto,
per poi fare dono di scambio.

L'amore farà da sigillo
tra le dure pietre,
ma il pensiero rimarrà
dolce, tenero, delicato.

Due pietre, insignificanti prima,
preziose ora,
vivono,
comunicano, amano.

Dure, ma hanno un cuore,
l'una palpita per l'altra.
Si fondono in un abbraccio unico,
come unico è l'amore.

L'arsura

Un pezzu
di terra arsa
chiedi a 'na nuvola:
« ti vulissi
rigalari un sciuri,
ma si nun mi vagni
li labbra,
mancu 'na vasata
ti puzzu dari ».

Come una farfalla

Come una farfalla
voli nell'aria libera,
festante e gioiosa.
Vestita di sette
trasparenti veli
di seta rossa,
mi svolazzi intorno.
Su di me fai cadere
scintille di desiderio,
di passione.
Un flauto magico
contorna di melodia
questo amore nascente.
Sfiorandomi,
il tuo profumo
inebria la mia mente,
accende un fuoco.
Stringendomi,
mi regali un bacio.
Sento il tuo corpo,
sento il tuo calore,
sento il mio cuore palpitare.
Mi sento confuso, ma tu
non ti accorgi di nulla.
Tra sguardi e sorrisi
in pochi attimi voli via.
Nell'aria, rimane
solamente
il tuo profumo.

Lassami cu lu Signuri

Arrassati !
Pirchì mi 'ncueti
di la prighiera a Diu !

Diu è vita,
Diu è gioia,
Diu è amuri.

Nun ci arrinesci
a purtarimi cu tia !
Vatinni !

Nun cridu a la to putenza,
nun mi 'nganni cu li to
finti magarii,
nun arrobbi lu cori mè.

Mi spunti comu 'n'angilu
ma duni sirincati d'odiu.
Iu 'nveci,
vogliu amari
a cu nun mi ama.

Sulu lu Signuri
po' dari chistu.
Perciò,
nun tintarimi,
senza venimi appressu,
sparisci di la menti.

Parlerò cu lu Signuri.
Ti farò mannari a la lesta
'nzemmula a li tentazioni,
a la marvaggità, a la 'midia,
all'odiu, a la guerra.

Cu Diu, 'ni 'sta vita
e 'ni l'atra ca 'ni darà
ci sarà sempri paci, amuri,
gioia e un mari di felicità.

2009 - 2° Premio
VI Concorso Letterario di Poesia
e Narrativa "Duerre"
Roma-Bologna-Ravanusa.
Premiato a Sasso Marconi (Bologna)

2010 - Premio Speciale della Giuria
Premio Europeo Tindari
XI Edizione - Messina

'Na taliata pinitranti

'Na taliata pinitranti
ca mi fa cu li tò occhi,
dissita tutta l'arsura mia.

Quannu arridi, li tò occhi
brillanu di 'na luci
c'abbaglianu li mè.

Mi cunfunnu.
Ti staiu davanti,
ma nun ti vidu.

Sentu un scutimentu
di tuttu lu mè corpu,
tremu comu 'na foglia.

Chiudu l'occhi.

Ora ti vidu !

Si ! Si !
Ti vidu !
Si tu !

Lacrime e sofferenze

Lacrime di sangue che
Cristo ha fatto scorrere
sulla terra
per salvare
noi peccatori.

Cristo messo in croce
dallo stesso
perfido uomo
che il Padre Nostro
ha creato.

Ancora oggi,

piangiamo lacrime di sangue
per i nostri figli che si perdono
per il gioco, per il denaro,
per la prepotenza,
per l'ignoranza,
per la droga, per il potere,
per la guerra.

Esiste la pace?

Sì esiste!

Bisogna saperla cercare,
saperla prendere,
farla nostra,
portarla in casa
ed offrirla
a chi non è capace
di averla.

Il mondo e la vita
sarebbero belli
se in ognuno di noi
ci fosse anche una sola
molecola di pace.

2009 - Diploma di Merito
Premio Nazionale di Poesia
e Narrativa Alberoandronico
III Edizione - Roma

L'urtimu rigalu

Vulissi dariti pi donu
'na cosa prizziusa.
Ti vulissi rigalari
un sciuri.

Un sciuri c'assimigliassi a tia.
Un sciuri ca si chiamassi
Rosa, Rosa,
comu si tu pì mia.

Chissu fussi
l'urtimu rigalu
chi ti putissi fari
'nì 'sta vita.

Lu vulissi
siminari
'nì là tò terra,
'nzèmmula cu tia.

Vulissi ca nascissi
pì essiri amatu,
comu iu
amu a tia.

Accettalu,
strincilu
a lu tò cori allegramenti,
è donu di cu ti ama veramenti.

2008 - 5° Classificato
Premio Europeo Tindari Terzomillennio
IX Edizione - Messina

L'estati

Avvampa lu cori
di li 'nnamurati
la casda estati.

Porta un saccu di surrisi
a li nichianti e a li siddiati,
amuri e paci a li sciarriati.

Fa gràpiri lu pitittu
di amuri scurdati,
di ricordi fatati.

'Nmezzu l'ondi di lu mari
stritti-stritti, abbrazzati,
si ioca a li maritati.

Di la matina a la sira,
si dannu milli vasati,
pi l'ardiri di l'estati.

Li fimmini a la chiazza
passianu scullati e 'ngiuvittati,
cu abiti trasparenti, raffinati.

Li masculi allegri e fistanti,
allicchittati e 'mprofumati,
talianu, lancianu ucchiati.

Cu a durmutu, s'addiviglia.
Tra schetti, ziti e maritati
ora, c'è aria d'innamurati.

Masculi e fimmini,
vuca cu vuca 'mpicicati,
si stringinu allammicati.

Notti di focu e chini d'amuri,
Sazzii, sudisfatti e arricciati
ringrazianu ca vinni l'estati.

Cu l'occhi chiusi

Mi nnì vogliu iri.

Mi nnì vogliu iri
cu l'occhi chiusi.

Mi nnì vogliu iri
cu l'occhi chiusi,
'n'intra 'ni mia.

Ti lodu e ti cantu

Ascuta, oh Signuri!
'Sti prighieri di 'stu figliu,
sù di spasimi e dulura,
manna la paci ca la pigliu.

Nun servi a mia
ma a 'stu munnu,
nun c'è cchiù amuri né amicizia,
c'è sulu odiu chi gira 'ntunnu.

Guerri, droga e omicidi,
ormai, si cuntanu a decini,
ci voli quarcunu ca decidi
pi amarinni tutti e stari vicini.

Tu sulu po' aggiustari 'stu munnu,
Tu si lu patruni di 'stu regnu,
trova 'sti maligni unni sunnu,
cunvertili a l'amuri di lu tò segnu.

Prima chi moru, dammi 'sta gioia
di vidiri 'stu munnu tuttu 'mpaci,
cantassimu 'nsemmula la tò gloria,
cumpresu li putenti e l'incapaci.

Signuri! Semu tutti nni li tò mani,
spirannu ca 'stu munnu canciassi
nun dicu oi e mancu dumani,
ma mancu troppu tempu ca passassi.

Iu ti pregu, ti lodu e ti cantu
Patri, Figliu e Spiritu Santu.

2010 - 2° Premio
"Accademia Internazionale
Contea di Modica
Premio di Lettere, Scienze e Arti
5° Trittico Accademio"

'Na farfalla di sita russa

Cu tecchia di stoffa
di sita russa, piegata 'ndù,
cu l'ali chiusi, tagliavu 'na farfalla.
La pusavu 'ni un sciuri
di gelsuminu,
cu l'ali aperti vulava vicinu-vicinu.

'Ni l'ali, ci scrissi
lu to nomu,
ci misi puru amicizia
gioia e tantu amuri.
'Sta farfalla mi pari vera
fa sciavuru di primavera.

La stringiu nnì li mani,
pi nun falla scappari,
haiu paura ca si pirdissi
e nun ti putissi diri
'ntrappulata nnì quarchi scogliu,
l'amuri ca ti vogliu.

La misi mezzu un libru di poesii,
è lu giustu postu unni putiri stari.
Ogni tantu lu grapu e la taliu,
mi pari ca la sintissi parlari
dicennumi ca vulissi vulari.

Comu capita ti la fazzu vidiri.
Si ti la pigli, è signu d'amuri,
si la lassi è signu d'amicizia.
Nenti cangia di comu decidi,
tu, resti sempri nnì lu me cori
fa comu vò, l'amuri nun mori

Chista è la menti di n'artista
abbunnatu di tanta fantasia,
scrissi 'sti versi, pinsannu a tia.

2010 - 3° Premio Nazionale di Poesia
"G. Meli" XIII - Edizione Accademia Nazionale
di Lettere, Arti e Scienze
"Ruggero II di Sicilia" Palermo

Zuccaru filatu

Pi la fera, un firaru,
arridennu mi dissi:
l'assaggiassi è
zuccaru filatu,
nun lu paga è rigalatu.

Mi parsi malu
e l'accittavu.
Mi lu misi un pocu mucca,
è 'na veru spicialità,
ammumentu mi squaglià.

Nintra; misu 'nta na sdraia,
cu l'occhi chiusi,
mi parsi di truarimi 'ncapu
ddu zuccaru filatu ca vulava,
nun sapennu unni mi purtava.

Cu lu sulì ca cannariava,
mi purtà 'nta 'na stidda,
nnì la stidda di mezzìu.
Nuddu la vidi, ma c'è,
nun si fa taliari di cu dagghè.

C'era un lustru ca
piciavanu l'occhi.
Arrivavu giustu 'ntempu di manciari.
C'era 'na tavulata ca nun finiva mà,
iddi, già eranu iunti a mità.

'Ncapu dda tavula
c'era ogni grazia,
c'era lu beni di Diu.
Cu manciava di ccà
e cu viviva di ddà.

Comu trasivu, mi ficiru 'na festa,
pi primu San Petru; subito mi dissi:
cu 'stu mazzuni di chiavi
comu veni arrè, po iri unni vò,
piccamora nun 'ne tempu tò.

Assèttati e mancia cu natri.
Eranu tutti canuscenti,
tutti amici e parenti.
Cu mi salutava di ccà
e cu mi chiamava di ddà.

C'era lu dutturi, lu scarparu,
lu parrinu cu tutti li fedeli,
l'avvucatu, lu varberi,
lu sartu, lu 'nfirmieri,
l'onorevoli e lu 'ngigneri.

Chiddu di lu giru mi dissi:
vidi comu si campa ccà ?
Ccà nun c'è, ne droga, 'ne guerra,
c'è paci, nun c'è unu chi si sciarria,
nun c'è odiu, e nuddu si 'mmidìa.

La cosa cchiù bella lu sa qual è ?
Ccà, nun ci su sordi,
nun s'accatta nenti,
chiddu chi voli unu si piglia,
semu tutti 'na famiglia.

Subitu ci rispunnivu!
A ccà 'mparadisu semu!
San Petru, mi dissi: bravu,
ora sì ca lu capisti, facisti
tanta strata e nun ti pirdisti.

Saluta a tutti pirchè ti nnà gh'iri,
nun nnè ura pi tu stari ccà.
Comudu piccomera 'ni la sdraia
un gridu a l'aricchi mi fici satari,
dicennumi, vattinni a travagliari.

A menti me pinsavu:
ma pirchè m'addivigliavu!

Panuzzu

Panuzzu
muzzicatu di tanti denti,
nun ti lamenti, nun dici ma nenti.

Panuzzu
cottu si beddu duratu,
quantu tribù, popoli ha sfamatu !

Panuzzu
si cchù duci quannu si scuttatu
sazzii d'amuri a cu t'ha manciatu.

Panuzzu
di lu furmento si ricavatu,
si donu di lu Signuri criatu.

Panuzzu
si Santu 'ni lu Sacramentu,
l'Ostia 'ni duni d'un calici d'argentu.

Panuzzu
si lu corpo di Gesù,
cu avi fidi a tia, nun mori cchiù.

'Narrè 'na finestra

'Narrè 'na finestra, misu di latata,
taliu l'acqua ca di 'ncelu cadi fitta,
è bianca, pura, limpida e distillata,
pi la campagna è acqua biniditta.

Lu viddanu contenti si rallegra,
vidi la zagara megliu girmugliari,
lu Signuri cci penza e abbrivira
dd'aranci su cosa d'ammirari.

'Ntà li vitra di li finestri,
ancora mezzi appannati
vidu gucci uncisi unu cu l'atri.
ca scinninu comu 'nnamurati.

Chiovi, l'acqua 'nterra cadi lesta
un sonu, 'na musica si senti
di tanti ciancianeddi 'nfesta
ca vannu satannu allegramenti.

Lu chioviri furmà tanti lavinara,
scinninu, currennu versu mari
lu viddanu lestu-lestu si ripara
sutta 'na manta p'accumudari.

Ringrazziannu lu Signuri,
l'acqua fu bona e abbunnata
lu viddanu Lu prega tutti l'uri
pi aviri smpri 'na bona annata.

A la sira stancu arriva a la casuzza
vasa la muglieri, e abbrazza la nicuzza.

'Na foglia gialla

'Na foglia gialla cade
di un ramu di granatu
adasciu si posa 'nterra
senza nuddu ca l'ha tucatu.

lu ventu la isa di 'nterra
lenta, la fa vulari,
la porta 'nn'all'aria
'ncerca d'unni pusari.

Accussì vulissi essiri,
vulissi essiri cumu a tia,
vulari di ccà e di ddà
vulari comu pi maggio.

Mi issi a pusari
'nta cori scunsulati,
tristi e malincuniati,
ca nun hanno statu amati.

Eccu, chi vulissi fari.
Nnì 'sti cori duri
puttaricci caluri,
gioia, amuri.

Vola, vola, vola,
nun ti firmari,
cerca finu ca trovi,
va finu a 'mmari.

Nun c'è bisognu
ca voli tantu gatu
posati 'ni lu me cori,
iddu, voli essiri amatu.

Aspitannu l'atobussi

Staiu partennu,
tri figli comu l'oru
staiu lassannu.

Mi salutaru 'mmezzu la strata,
davanti lu purtuni,
cu li manuzzi isati,
chini di scantu,
cu l'occhi vagnati
di chiantu.

Mè muglieri si li stringiva
stritti-stritti a lu sò pettu,
cu lu cori tristi e a luttu.

Pi l'èstiru staiu partennu,
'ncerca di travagliu,
pi sfamari 'sti 'nnucenti
pi falli crisciri e studiari,
pi daricci 'n'avviniri,
di la giusta via caminari.

La mugliredda mia
staiu lassannu,
a stari senza idda quarchi annu.

Chi famiglia sdisulata è la mè.
Aiutami Signuri ! Aiutami !
Iu pregu la Madonna e a tia vidè.
Fammi gòdiri 'sta famiglia
nun mi mannari luntanu,
guidami, tenimi pi 'mmanu.

L'atobussi arrivà !
Pensacci tu
matruzza mia !

Camina, accelera, sparisci,
perditi ntà 'sta via,
'mmezzu 'sta fudda.
Nun partu, nun mi nni vaiu,
a costu di manciari
pani e cipudda.

L'atobussi lenta passà.
Si nni ì, nun la firmavu,
a la mè casuzza riturnavu.

A lu stessu mè paisi
truvavu travagliu.
A li novi misi nascì mè figliu,
lu chiamavu Furtunatu,
ora è granni, laureatu,
avi famiglia ed'è sistimatu.

'N'amàmu tutti e semu filici,
pregu e ringraziu lu Signuri
di 'sta grazia chi mi fici.

010 - 5° Classificato
Primo Concorso Nazionale
di Poesia "Il Saggio
Città di Serre" Serre (Salerno)

2010 - 4° Classificato
Premio Letterario "Lu papanzicu"
Campobello di Licata (Agrigento)

'Na stritta di manu

'Na stritta di manu
nun nnè nenti
si è tra amici, e parenti.

'Na stritta di manu
è 'mpurtanti
si è tra ricchi e minticanti.

'Na stritta di manu
è 'nteressanti
si è tra 'namurati amanti.

'Na stritta di manu
è pacifista
si è tra democratici e comunista.

'Na stritta di manu
è appostu cu la cuscienza
si ti la stringi Sua Eminenza.

'Na stritta di manu Misiricordiusa
è chidda
ca nun po' stringiri mà.

La manu ti la posa nnì la fronti
e cu lu segnu di la Cruci chi ti fà
ti benedici pi tutta l'eternità.

Iu ci cridu
vatri criditicci vidè
cu avi fidi a Diu rinasci arrè.

A lu Signuri

Prima ca moru, serviti di mia,
dimmi chi pena a scuntari,
pi aggiustari 'stu munnu,
e pi natri a tia putiri amari.

Pi sacrificiu universali,
si vò a mia, vegnu,
pozzu vèniri ora stessu,
campari, nun sugnu degnu.

Ti vulissi sèrviri ora,
ora ca sugnu 'nvita,
pi diri ca Tu cci sì
ca nni criasti cu la crita.

Oh Cristu! Aiutanni,
dacci cchiù amuri 'ni 'sta terra
teninni stritti a lu to pettu,
ccà cc'è sulu odiu e guerra.

Iu sugnu prontu! Dimmi cà 'ffari,
sulu Tu, o Signuri, ci po' sarvari

Lu Bammineddu

'Na notti di celu stidatu,
mentri taliava appassiuatu,
di li stiddi, una era la cchiù brillanti
avia la cuda longa d'oru luccicanti.

Tuttu 'nsemmula si misi a caminari,
mi diciva, seguimi, nun mi lassari.
Di notti cu lu friddu ca si gilava,
la seguivu pi vidiri unni mi purtava.

'Nta la via trovavu tanta genti,
siguivamu dda stidda lucenti,
ogni pirsuna chidiva unni ennu
si rispunniva, avemu fidi e siguemu.

Caminannu pi tutta 'na nuttata
arrivamu 'nta na grutta malandata,
dda stidda si firmà 'ncapu la grutta
'luminannula di 'ncapu finu a sutta.

'Mezzu lu vò e lu sciccareddu
nascì lu veru Bammineddu.
San Giuseppi e la Madonna a lu latu
aduravanu 'stu figliu miraculatu.

Tanta genti arrivata di luntanu,
si faciva la cruci cu la manu
dicennu chissu è lu veru Misia
prigamu tutti a Gesù e a Maria.

Chista fù na notti tutta particolari
di 'sta nascita ma nnà mà scurdari,
pi tuttu lu munnu fù 'n'eventu fatali
chistu fù lu iornu di lu Santu Natali.

Gesù nascì e ccì facemu un cantu,
Patri, Figliu e Spiritu Santu.

Lu piccatu

Quanta genti si cridi 'nnuccenti
fannu la carità a li puvureddi
pò, fannu mali a tanta genti
e ammazzanu omini comu aceddi.

Genti ricca, 'struita, 'ntilliggenti
pensa sulu pi idda, pi beni stari
lassanu moriri la povira genti
po, vannu 'nchiesa a prigari.

Comu si v`a d'avanti a Diu
a pigliari lu Sacramentu.
Semu tutti peccatura, lu primu iu
'nginocchiu di li peccati mi pentu.

" Cu di vatri nun 'nn'avi peccatu,
tira la prima petra contru d'idda ".

Nuddu tir`a la prima
petra contru d'idda.

Lu Signuri nun la giudic`a
ci dissi, nun peccari
e la mann`a,
pi la giusta via caminari.

A lu Signuri lu prigamu
a tempu di bisognu,
'nveci uncemu li manu
e 'mploramulu ogni iornu.

Iddu 'nn'ascuta, nnì vidi
e nnì senti
avemucci fidi,
prigamu, genti.

Pirdunanni Signuri di 'stu piccatu.
Oi, dumani e 'ni li seculi si ludatu.

Autore:

Giuseppe Cardella

Via Castelli, 36 - 92016 Ribera (Ag)

Tel. 0925 66028 - Cell. 338 9652710

Sito web: www.cardellaart.it

E-mail: giuseppe@cardellaart.it

Stampa personale provvisoria

